



**Sámi  
allaskuvla**

Oahppoplána

## **Gielladikšun I**

SÁM-1007

10 oahppočuoggá



## 1. Oahpu namma

Sámegillii: Gielladikšun I  
Dárogillii: Sprákrøkt I  
Eaŋgalasgillii: Proper language use I

## 2. Oppalaš dieđut oahpu birra

**Oahpu koda:** SÁM-1007  
**Dássi:** Bachelor, fágaoahppu  
**Viidodat:** 10 oahppočuoggá  
**Galli lohkanbaji badjel:** Ovtta  
**Oahpu lágideapmi:** Neahttadoarjjaoahpahas, oassi oahpahasas lágiduvvo fysalaččat Sámi allaskuvllas ja oassi neahttaoahpahas. Ii leat vejolaš searvat fysalaš deaivvademiide neahta bokte.  
**Fágalaš latnjalasvuohta:** SÁM 110 Sámegeiella njálmmálaš ja čálalaš giellan -oahpu oassi ”Davvisámegiela čállin ja gielladikšun” vástida fágalaččat beali (5 oč.) SÁM-1007-oahpus.

## 3. Oahpu gullevažvuohta

Oahppu gullá sámegiela ja sámi girjjálašvuođa bachelorprográmma fágaoahpuide.

## 4. Sisabeassangáibádusat

- Dábálaš sisabeassangáibádusat alitohppui. Sisabeassanvuoddu sáhtta leat juogo oppalaš lohangelbbolašvuohta (čadahan joatkkaskuvlla, logahaga dahje gymnása) dahje reálagelbbolašvuohta. Oppalaš lohangelbbolašvuođa gáibádusat olgoriikkaohcciide bohtet ovdan [GSU-listtus](#). Go oahppu lágiduvvo sámegillii, de olgoriikkaohcciide ii gusto dárogielgáibádus, vrd. [Forskrift om opptak til høgare utdanning § 2-2 \(6\)](#).
- Sámeielmáhttu
- Čadahan SÁM-1000 Láidehus gielladiehtagii (10 oč.) dahje vástideaddji oahpu

Sámegiela gáibádusa sáhtta deavdit čuovvovaš vugiid mielde: Norgga joatkkaskuvllas sámegiella 1. dahje 2. giellan 2, Suoma logahagas eatnigielladutkkus dahje lohkan sámegiela vierrogiellan ja Ruota gymnásas eatnigiellan (modersmål 200 čuoggá) dahje odđaaigásaš giellan (moderna språk 200–300 čuoggá) dahje vástideaddji sámegieloahppu doaibmi njuolggadusaid mielde. Sámegeiela gáibádusa sáhtta maid deavdit sámegiela lohkanbadjeoahpuin, 30 oahppočuoggá, dahje vástideaddji oahpuin dahje ceavzit giellageahččaleami maid Sámi allaskuvla lágida. Jus lea eahpesihkarvuohta man dási gelbbolašvuohta ohccis lea, de ášši ovddiduvvo fágalaš árvvoštallamii ja meannuduvvo dán vuodul.

## 5. Oahpahas- ja eksámengiella

Oahpahas- ja eksámengiella lea davvisámegiella.

## 6. Sisdoallu

Oahpus geahčadit gielladikšuma vuodđoáššiid ja ulbmiliid, ja davvisámegiela čálalaš giellageavahusa norpmaid. Studeanta oahpahallá árvoštallat, divvut ja buoridit ovttaskas cealkagiid ja oanehis teavsttaid gielladikšuma dáfus. Studeanta hárbhallá čállit oanehis, gielalaččat njuovžilis áššeteavsttaid main čuovvu čálalaš giellageavahusa norpmaid, ja oahpahallá analyseret iežas teavsttaid gielladikšunperspektiivvas. Oahpus deattuhuvvo sátnehámiid sojahus ja geavahus, ja cealkkaráhkadusaid váldoáššit. Váldogielaide váikkuhusa dáfus deattuhuvvojit skandinávlaš gielat. Studeanta oahpahallá atnit veahkkeneavvuid mat leat anolaččat gielladárkkistanbarggus.

## 7. Oahppanjoksos

Oahpu čadaheami maŋnel lea studeanta olahan čuovvovaš oahppanjoksosiid:

*Diehtu:*

Studeanta

- dovdá gielladikšuma vuodđoáššiid ja ulbmiliid
- diehtá maid áššiid geažil davvisámegiela gielladikšumis sáhttet leat hástalusat
- dovdá njálmmálaš giela ja normerejuvvon čállingiela sojahanhámiid ja cealkkaráhkadusaid dábáleamos erohusaid
- dovdá riektáčállinrávvagiid
- dovdá skandinávlaš gielaide váikkuhusa sámegeiela sátnehámiid ja cealkkaráhkadusaid geavahussii.

*Máhttu:*

Studeanta

- máhtá čilget maid gielladikšun sisttisdoallá
- máhtá árvoštallat ja divvut ovttaskas cealkagiid ja oanehis teavsttaid, earenoamážit sátnehámiid ja cealkkaráhkadusaid dáfus, ja ákkastallat divvumiid giellaoahpalaš tearpmaiguin
- máhtá divvut riektáčállinmeattáhusaid
- máhtá čállit njuovžilis áššeteavsttaid main čuovvu čálalaš giellageavahusa norpmaid.

*Oppalaš gelbbolašvuohta:*

Studeanta

- ipmirda gielladikšuma mearkkašumi sámegeiela geavahusa nannen- ja ovddidanbarggus
- máhtá dihtomielalaččat ovdánahttit iežas čállinmáhtu gielladikšuma dáfus
- máhtá geavahit veahkkeneavvuid gielladárkkistanbargguin ja iežas čállinbargguin.

## 8. Oahpahan- ja oahppanvuogit

Oahpahan- ja oahppanvuogit leat logaldallamat, čálalaš ja njálmmálaš hárbjehusat, semináraovdanbuktimat, joavkobarggut, iešheanalaš barggut ja bagadallamat.

## 9. Gáibádusat beassat eksámenii

Čuovvovaš gáibádusat leat eaktun beassat eksámenii:

- Studeanta galgá leat ožžon dohkkehuvvot guhtta (6) 1–3-siidosaš čálalaš geatnegahtton barggu. Bargguide gullá geatnegahtton bagadallan.
- Studeanta galgá leat searvan geatnegahtton seminárii mas lea ovdanbuktán ovttá dan guđa geatnegahtton barggus ja opponeren unnimusat ovttá eará studeantta barggu.

## 10. Eksámen

Guđa (6) diimmu oktagaslaš čálalaš skuvlaeksámen.

Árvosánet addojuvvojit ECTS vuogádaga mielde, mas A lea buoremus árvosátni ja E lea vuolemus ceavzinárvosátni. F árvosátni mearkkaša ahte ii leat ceavzán.

## 11. Leago privatisttain vejolaš váldit dan oahpu?

Privatisttain ii leat vejolaš váldit dán oahpu.

## 12. Kvalitehtasihkkarastin

Čujuhuvvo Sámi allaskuvlla kvalitehtasihkkarastinvuogádahkii ja dasa makkár vejolašvuodát ja geatnegasvuodát studeanttain leat árvvoštallat Sámi allaskuvlla oahppofálaldagaid ja bálvalusaid kvalitehta. Studeanttain lea geatnegasvuodta searvat árvvoštallamiidda mat leat oassin kvalitehtasihkkarastinvuogádagas.